



Broj: 01/4-50-3-4-62/18
Sarajevo, 21. 3. 2018.

Z A P I S N I K

62. sjednice Komisije za finansije i budžet Predstavničkog doma Parlamentarne skupštine BiH, održane 20.3.2018, od 11.00 do 12.00 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Aleksandra Pandurević, Mirsad Isaković, Jasmin Emrić i Damir Bećirović.

Sa sjednice je odsustvovala Dušanka Majkić.

Sjednici su, također, prisustvovali: Borjana Krišto, predsjedavajuća Predstavničkog doma, Niko Duvnjak, savjetnik u Kabinetu predsjedavajuće Predstavničkog doma Parlamentarne skupštine BiH, Sanja Jokić, sekretarka Ministarstva finansija i trezora BiH, Jelena Despot, politička savjetnica OHR-a, Zoran Žuža, šef Odjela za informiranje u Sektoru za odnose s javnošću Sekreterijata PSBiH, Zumra Mališević, stručna savjetnica u Vijeću ministara BiH, Bojan Milošević i Bojan Komšić, volonteri u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija Nevenko Erić, novinar SRNE, i Aida Kovač, novinarka FENE.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 61. sjednice Komisije;
2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanica Borjana Krišto);
3. Tekuća pitanja:
 - a) upoznanje s dopisom Ureda za reviziju institucija BiH od 21.2.2018;
 - b) upoznavanje s dopisom Ministarstva finansija i trezora BiH od 7.3.2018.

Predloženi dnevni red usvojen je jednoglasno.

Ad.1. Usvajanje Zapisnika 61. sjednice Komisije

Mirsad Isaković imao je primjedbnu na Zapisnik 61. sjednice Komisije i zatražio je da se tačka 2. Zapisnika: Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine - prva komisijska faza (predlagač: poslanica Borjana Krišto)“, u dijelu nakon imena članova koji su učestvovali u raspravi, dopuni sljedećim riječima: „Mirsad Isaković istakao je da je ubuduće uz Prijedlog zakona potrebno jasno navesti i neophodnu finansijsku stranu za provođenje Zakona, odnosno izvore finansiranja“.

Potom je dopunjeni Zapisnik 61. sjednice Komisije usvojen jednoglasno.

Ad.2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanica Borjana Krišto)

U uvodu u ovu tačku dnevnog reda predsjedavajući Komisije istakao je da je Predstavnički dom Parlamentarne skupštine BiH usvojio Prijedlog zakona o izmjeni Zakona o plaćama i naknadama u institucijama Bosne i Hercegovine u prvom čitanju na 58. sjednici Predstavničkog doma i da je u amandmanskom roku uložen jedan amandman Kluba poslanika Nezavisni blok.

Potom je Salko Sokolović obrazložio uloženi amandman Kluba poslanika Nezavisni blok.

Predsjedavajući Komisije otvorio je raspravu u kojoj su učestvovali: Salko Sokolović, Mirsad Isaković, Predrag Kožul i Borjana Krišto, predsjedavajuća Predstavničkog doma Parlamentarne skupštine BiH.

Nakon rasprave, Komisija većinom glasova nije usvojila uloženi amandman Kluba poslanika Nezavisni blok.

Potom je Komisija, sa „šest“ glasova „za“ i dva glasa „suzdržan“, prihvatila Prijedlog zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi.

Ad.3. Tekuća pitanja:

a) upoznavanje s dopisom Ureda za reviziju institucija BiH od 21.2.2018.

Predsjedavajući Komisije otvorio je raspravu u kojoj su učestvovali: Salko Sokolović, Mirsad Isaković i Predrag Kožul.

Komisija je potom jednoglasno usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH traži od Vijeća ministara BiH da prioritarno i trajno riješi pitanje smještaja Ureda za reviziju institucija BiH“.

b) upoznavanje s dopisom Ministarstva finansija i trezora BiH od 7. 3. 2018.

Predsjedavajući Komisije konstatirao je da je Komisija primila k znanju dopis Ministarstva finansija i trezora BiH od 7. 3. 2018.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 62. sjednice Komisije za finansije i budžet PDPSBiH.